



Inatsisartunut Ilaasortaq Per Rosing-Petersen, Partii Naleraq  
Inatsisartut Allattoqarfiat  
/Maani

## Illuut pillugu §37 naapertorlugu apeqqummut nr. 107-imut akissut

Suliap nr.: 2016 - 7025  
Allakkat nr. 2626261

Asasara Per Rosing-Petersen,

Inatsisartut suleriaasianni § 37 naapertorlugu Illuut pillugu Naalakkersuisunut apeqqu-  
qaateqarputit. Apeqqutit uannut akineqartussanngortinneqarsimapput.

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut gl

Apeqqutigineqartunut akissutikka ataani tullerijaaarlutik allassimapput.

### 1. Suut tunngavigalugit Illuut A/S pilersinneqarpa? Inatsisartunit akuerineqarni- kuuppat?

#### Akissut:

Ingerlatseqatigiiffiup siunertaraa illunik sanaartorneq piginninnerlu, tulliuullugu tunisineq  
attartortitsinerluunniit, soorluttaaq ingerlatseqatigiiffik suliaminut atasumik sanaartukka-  
nik isaterisinnaasoq. Ingerlatseqatigiiffik illuutit aalaakkaasut pillugit aqutsinermik kiffar-  
tuussinermilluunniit ingerlataqassanngilaq.

Al 2009-mi ilanngussap aappaani konto pingaarnermi 87.72.13-imi immikkut nutarteri-  
nermut ima oqaasertaliisoqarsimavoq:

"Nr. 2.

*Nuummi Qapiarfiusaami inissiat tullerijaaarlugit iluarsaanneqarnissaannut atatillugu inissi-  
aatileqatigiiffimmik pilersitsinissamut Naalakkersuisut piginnaatinneqarput..."*

Konto pingaarneq 87.72.13-imili oqaasertaliussani ilaatigut ima allassimasoqarpoq:

*"Qapiarfiusaami inissiarsuarnut arfineq marlunnut iluarsaassinernut atugassatut piler-  
sinneqarpoq (Inissiaatileqatigiiffik Illuut A/S)..."*

Aningaasaqarnermut ataatsimiititaliap (maanna Aningaasaqarnermut Akileraartarner-  
mullu Ataatsimiititaliaq) 2009-p naanerani Illuut A/S-imut aningaasaliinertut pigisanik na-  
lilinnik nuutsitsinissaat inassutigineqarpoq, Aningaasaqarnermullu ataatsimiititaliap ullor-  
mi 16. december 2009-mi oqaasertaliullugu akueraat. Tamatumalu kingorna ulloq 22.  
december 2009 ingerlatseqatigiiffik pilersinneqarpoq. Aningaasanut inatsit 2009-imeer-  
soq naapertorlugu Illuut A/S taamaalilluni pilersinneqarpoq.

**2. Atorfilittanut pinnguartarfiunerata saniatigut, ingerlatseqatigiiffiup sutigut inuiaqatigiinnut iluaqutaanerani nassuiarluakkamik perusuppugut?**

**Akissut:**

Ingerlatseqatigiiffiup qullersaqarfia siulersuisuilu, ingerlatseqatigiiffimmi maleruagassaq malillugu, 2009-mili pilersinneqarmat Namminersorlutik Oqartussat atorfilittaannik inuttaqarnikuupput. Taakkualu ingerlatseqatigiiffimmiit akissarsiaqartinneqarsimangillat akissaasersorneqaratillu.

Ingerlatseqatigiiffik arlalitsigut pisortat ingerlatsivianut ilaavoq, taamaattorlu pisortat ingerlatsinerat pillugu inatsit suliasat suliarineqartarannullu inatsit atuullutik.

Ingerlatseqatigiiffik atorfilittanit pinnguartarfittut atorneqarnerani eqqartuisoqarnera tul-luarsorinngilara. Ingerlatseqatigiiffik pilersinneqarneraniit ulloq manna tikillugu pitsaasu-mik ingerlanneqarsimavoq inernernik kusanartunik takutitsisimalluni.

Inussiarnersumik inuulluaqqusillunga  
Med venlig hilsen



Kim Kielsen